CENSVRE

677

OV

REFVTATION

DV

LIBELLE INTITULE;

FRANCOIS, SVR LA PAIX

ITALIENNE.



Chez PIERRE DV PONT, au Mont saint Hilaire, ruë d'Escosse.

M. DC. LXIX.

CENSVRE

VO

REFVTATION

V a

LIBELLE INTITVLE;

FRANCOIS

SVR LA PALA

ITALIENNE.



the Research the Royal and the Research the

MYVI Sa.M

CENSURE OU REFUTATION

du Libelle intitulé, Souspirs François fur la Paix Italienne.

E me doute bien que l'Autheur des Soupirs François sur la paix Italienne, voudra tirer de la vanité de ce que ie me suis mis en peine de resulter cét ouurage; s'imaginant peut-estre qu'il faut que cette piece ait eu l'approbation generale, & que l'enuie qui s'attache principalement à la vertu, est le seul motif de cette Resutation, par laquelle il pretendra donner vn nouvel éclat à cette production d'esprit : Ces raisons m'obligent d'abord de dire le sujet veritable

qui m'a mis la plume à la main pour le desabuser de cette creance, & iustifier des motifs de mon procedé.

Pour destruire entierement son opinion, qui ne seroit qu'augmenter le nombre des fautes qui se rencontrent dans son ouurage; le suis bien aise qu'il sçache que c'est vne pure charité qui m'oblige à prendre cette peine pour luy seul, parce qu'il est tres euident que son espre a plus besoin d'estre guery que tous ceux qu'il pouroit auon n crez par ses Escrits seditieux, ils sont en si petit nombre si peu considerables, que bien qu'ils demeurassent obstinez dans leurs sentimens, tous les honnestes gens qui sont bien contraires aux maximes de cet Autheur, ne s'en deuroient bullement mettre en peine: La populace est propremét vne girouette qui tourne à toutes sortes de vents, vn mirouer qui change de face selon les obiets que l'on luy presente, & comme vne cire molle qui reçoit mille differentes impressions autant de testes, autant d'aduis, & dans l'affaire la moins douteufe: moils arolfioval and

Scinditur incertum studia in contraria vulgus. A ij

Qu'il n'estime pas aussi que la ialousie de voir admirer cette piece sameuse, m'ait sait repandre de l'ancre pour ternir son éclat, son ouurage n'est pas si digne d'enuie, & quand mesla crainte de la corde ne luy auroit pas empesché d'y mettre son nom, ie croy que pour son honneur (si toutes sois il en est curieux) il se deuroit cacher de honte, & desauouer cet ensant monstrueux, qui n'a pour toute persection que l'esfronterie.

Non, ie ne suis point ialoux de sa gloire, qui n'est point si brillante qu'elle me puisse éblouir, & m'empescher de remarquer les sautes infinies de cette piece, elles sont trop apparentes, & tout autre esprit que le sien iugeroit qu'elles seroient dignes du souet dans les petites escholes, aussi bien que son impudence le meriteroit dans les Carresours.

Il semble à la verité que ie contredise par ce trait de palsion à la charité que ie me suis proposée pour motif, mais à des maladies si pressantes, il est besoin de remedes violens; & comme ie sçay bien qu'il se flatte dans la bonne opinion qu'il a de son genie, il l'a faut destruire tout à sait, & ne l'a

point flatter, si l'on pretend d'y donner du remede.

Pour combattre d'abord cet estime d'esprit qu'ilse donne à luy-mesme, il est necessaire de faire voir à tout le monde qu'il n'est pas capable du mestier d'escrire dont ils'est vous lu si temerairement escrimer: Si ce n'estoit que les lignes sont à peu prés mesurées, on auroit de la peine à discerner s'il a voulu faire des Vers ou de la Prose; les mesures si mal obseruées, tant de fausses rimes, comme de glaiue à vesue, d'Abbayes à bayes, excez à François, &c. ces endroits situen doute; & au lieu d'Autels, & au lieu d'actions, &c. qui sont des cacophonies insupportables: ces termes deterrés & barbares, de desastreux, larmoyer, &c. & quantité de phrases & saçons de parler indecentes, le conuainquent ne cessairement de n'estre pas bon François comme il se vante, puis qu'il n'en sçait pas le langage.

Que si pour sa replique il vouloit alleguer cette sentence trivialle, qu'il est bien aisé de reprendre & mal-aisé de

mieux

mieux faire, & que dans le dessein de resuter son Ouurage, ie deuois me seruir du mesme genre d'escrire, & non pasopposer de la prose à des vers, dont la contrainte & la mesure suppose plus de dissiculté: Ie n ay rien à luy dire, sinon que ie sçay mieux choisir le style selon les suiets, & qu'vne de ses plus grandes fautes que ie ne veux point imiter, est d'auoir traitté cette matiere dans vn genre si peu propre à son suiet, qui me sait croire que quoy qu'il soit tres mauuais Poète, il est encor plus mauuais Orateur. Pour mon esgard, quoy que ie sois assez mediocre dans l'vn & l'autre quelques vers que l'on a veu de ma saçon, seront aysément reconnoistre que l'ignorance de la poèsse n'est pas la cause pourquoy i'ay

choisi la prose pour luy respondre.

Pour faire voir qu'il s'est seruy tres mal à propos des vers pour son suiet, les moins versés dans cette science, n'ignorent pas qu'elle n'est propre qu'aux fictions, & pour taire esclater dauantage les inuentions & les pensées de l'esprit; mais dans vne ouurage serieux dans lequel il est question de faire voir la verité, & persuader par la force des raisons les esprits à quelque creance, comme sans doute nostre Auteurs'estoit imaginé: pourquoy vouloir importuner les Muses, & les tirer pour ainsi dire par les cheueux; le dis bien dauantage qu'encor bien que ce suiet se pust traitter en vers, il ne falloit pas contredire comme il a fait atontitre qui ne parle que de soupirs, par de petits ieux de mots & de ridicules allusions, dont l'impertinence sait rire le lecteur, il semble qu'il veut estre vn Ieremie, & dans le milieu d'vne triste la mentation, il quitte tout d'vn coup le personnage d'Heraclite pour prendre celuy de Democrite; Ifait le censeur Politique, & met en suitte vne pointe ridicule sur l'allusion de faux Louis, ou de Iustes; & dans le zele le plus enflammé, dont il fulmine contre des Euclques, il va chercher des pedanteries Scholastiques, & se ioue sur des noms de Dol, Dair, eur de Cordelier & de Corde, qui nepeuuent estre permises que dans vn style extremét ment builesque: d'alleguer pour raison qu'il s'est seruy de cet artifice, afin de ne pas nommer ouuertement ces Prelats, ne pourroit on pas luy demander, pour quoy donc il en a nommez de plus confiderables en dautres endroits, qu'il

denoit taire auec plus de raison & de instice.

Mais venons au principal de nostre suiet insques icy, nous n'auons sait que considerer quelques galles qui ne sont que la superficies de cette dangereuse apostume, dans laquelle il est necessaire d'appliquer le ser; & pour venir à la connoissance de sa cause, il faut examiner l'intention de cet Autheur!, & la sin qu'il s'est pu proposer en commançant ce pernicieux ouurage, descouurir en suitte ses qualitez vicieuses, & luy saire si bien conceuoir l'horreur de sa faute par de charitables aduis, quelle soit la derniere qu'il commette iamais.

l'aduosie que ie suis bien empesché dans la recherche de son dessein, puisque le zele pour sa Patrie dont il veut faussement couurir sa mauuaise volonté, n'en est nullement le

fuiet.

Arracher la paix des Prouinces,
Aigrir les peuples & les Prouinces.
Taxer vn auguste Senat,
Et comme vne horrible furie
Bouleuerser tout vn Estat,
Est-ce là seruir sa Patrie.

Ce ne peut estre pareillement le dessein de se mettre en faueur, puisque son insolente satyre attaque tellement tous les deux partis, qu'il semble qu'il en veut à tout le monde, & que comme vn autre mysantrope il ayt vne haine generale contre toutes sortes de personnes, ie reuiens donc à la creance que i'ay qu'vn ouurage de cette nature n'est pas produit par vn François, ou du moins qu'il a le cœur Estranger, puis qu'il trauaille anec tant d'ardeur à remettre le trouble & la diuision dans cette Monarchie, qu'vne paix de tant de sueurs & de fatigues, vient à peine de bannir & de destruire.

Pour confirmer cette opinion, nous n'auons qu'à consi-

derer son Ouurage de prés, & non pas superficiellement à l'exemple de quelques esprits vulguaires, qui sur la simple lecture du titre l'ont admiré comme vne merueille; Mais ces personnes sont à bien dire des enfans qu'vne pomme satissait & qu'vne bagatelle amuse, plustost que la plus belle piece du monde: ce n'est pas tout qu'vne boëtte soit peinte & bien enjoliuée, si ce qui est dedans n'encherit sur cette exterieure beauté: & sans taxer ce titre d'extrauagance quoy quille merite assez iustement, voyons si la piece respond à cette apparance; il l'intitule les soupirs, François, & l'on n'y remarque que des rages, des desespoirs, des iniures, & des fulminations horribles; il voudroit dit-il que la paix tut stable, & par de seditieuses exhortations, il l'ébranle si viuement qu'il semble qu'il ait pris à tasche de la destruire; Bref, pour euiter vn mal imaginaire il en introduit vn mille tois plus à craindre, & dont la seule pensée imprime de l'horreur dans l'esprit des honnestes gens.

Toutesfois ce n'est pas assez de cette censure generale, il faut venir à la discution particuliere, & resuter chaque

stance l'vne apres l'autre.

Les trois premieres declament hautement contre ceux qui nous ont procuré la paix les taxe d'auoir esté corrompus, d'auoir quitté l'interest de la patrie pour celuy de ses ennemis, & d'auoir traitté sans honneur sans guain & sans asleurance: Bien que la voix commune iustifie assez ces personnes incorruptibles, la contradiction quise rencontre, entre auoir esté corrompus & d'auoir traitté sans guain, renuerse de soy-mesme cette iniurieuse calomnie; mais il 2 reserué sa plus forte raison pour la troissesme, en ce qu'il leur reproche qu'apres auoir condamné le Cardinal commevn perturbateur du repos public, ils le restablissent dans lon premier Estat, en cassant les Arrests qu'ils auoient donné contre luy; Ce n'est pas vn desfaut de memoire comme Presume ce seditieux, mais vneraison bien puissante qui les a fait condescendre à ces conditions; Sa Maiesté se soûmettant à casser ses Declarations & ses Arrests, qui durant

les desordres auoient interdit le Parlement, n'estoit-il pasplus que raisonnable qu'il sit le reciproque de son costé, puisque toutes nos esmotios ne pouuoient estre autrement pacisiées; falloit-il comme il dit luy porter le poignard sous la gorge, & que le suiet contraignit le Souuerain à subirses caprices, & suiure ses volontez inconsiderées.

La quatriesme est vn galimatias enioliué d'allusions &

d'antitheses, indignes d'estre refutées.

Dans la cinquiesme comme vn Prophete de mal-heur, il menace Paris de maux espouuantables qu'il s'est sorgé dans son imagination sans aucune apparence de sondement, veu que quand mesme le Cardinal Mazarin auroit dessein de sevanger de cette Ville, il n'en aura iamais les occasions qu'ila laissé passer dans vn temps, auquel il estoit

plus obligé de s'en feruir.

Il tasche de consirmer cette Prophetie dans la sixiesme, par vne mauuaise peinture qu'il fait voir de la desolation des villages & de la campagne ruinées; Mais ces massacres ne paroissent que dans ses vers, & reservé quelques de gats causez par la Soldatesque qui ne sont pas irreparables, nous deuons rendre graces à Dieu du peu de sang qui s'est respandu parmy ces desordres, qui deuoient en apparence auoir vn succez beaucoup plus suneste & plus violent: il acheue par vne iniure brutale qui ne sait qu'aigrir vn Prince genereux, dont l'amitié se doit acquerir par la douceur.

Les sept, huict, neuf & dixiesme apprennent des sacrileges inouis, qui ne sont iamais tombés dans l'imagination
des plus abominables, bien loin d'auoir esté commis
comme il dit par des Estrangers qu'il accuse de ces crimes, & pour en tirer vangeance il met le ser & le seu dans
la main des François, & la rage dans le cœur de la patrie;
Mais les cheueux me dressent d'horreur à la lecture de la
dixiesme, & ie croy comme il dit que le Diable est l'autheur
de cette stance qui contient vn espouuantable sacrilege,
qui rend vn homme coupable pour l'auoir couché par el-

Tis

crit, puisque la seule pensée en est tout à fait criminelle: & supposé mesme qu'il ne sut pas de l'inuention de nostre l'oète, quoy qu'il y ait bien de l'apparance, à quel dessein publier ces abominations, qui ne sont qu'irriter de plus en plus la Iustice de Dieu dessa si viuement offensée &c.

Par ces detestables exemples,

Enseigner à ces nations

De nouvelles inventions

Afinde profaner ses Temples.
L'vnziesme n'est qu'vne inuectiue contre quelques Generaux qui sont auprés du Roy, par laquelle il les taxe d'estre Estrangers & de n'estre pas François, quoy qu'à la reserve de ces derniers troubles (ou l'interest de leur charge les a contraints de nous estre contraires) ils en ayent donné toutes les preuues imaginables, il les coisse sur la fin de la mesme Epithete qu'il a desia donnée au Prince, ce qui est vne

marque de la sterilité de son esprit.

Dans la 12. 13. & 14. il tranche du Predicateur, mais au lieu de reduire la Reine dans les termes de la douceur, il tasche de la ietter dans le desespoir par l'impossibilité de donner remede aux desordres qu'il exagere extraordinairement, & la menace insolemment de la Iustice diuine, sans que l'on puisse iuger ce qu'il pretend par cette remonstrance, puis qu'il se plaint des maux qui sont dessa passez, & qu'il auroit tort d'en desirer le remede, puis qu'il les iuge irremediables. Quant à ce qui touche le Cardinal Mazarin, l'on voit appertement que c'est plutost la haine que la charité qui anime son zele, en voulant attirer la ven-geance diuine sur sa teste, au lieu d'implorer pour luy sa misericorde.

Les 15. 16. 17. 18. & 19. sont des declamations pleines d'iniures & d'inuectines contre quelques Prelats & Predicateurs de leurs Maiestez, qu'il accuse d'enseigner de sausses doctrines, & d'animer contre nous l'esprit de la Reine & des Princes, pour en obtenir des Benefices & des recompenses; Ce qui me sait imaginer qu'il s'est peut-estre autre-

fois voulu seruir de ces maximes, puis qu'il en parse comme sçauant, & que le dépit de n'auoir fait reussir ses desseins, est le suiet de la passion qui l'emporte à ces indiscretes calomnies, entremessées de protestations d'estre bon François, & de contradictions ridicules, conseillant à ces pre dicateurs d'exhorter la Reyne à respandre des larmes sur des embrazemens, que des pleurs de mil ans ne pouroient pas esteindre, n'est-ce pas desirer une chose impossible.

La vingtiesme s'addresse aux Confesseurs, qu'il pretend sacrileges, d'accorder le saint Sacrement aux Seigneurs de la Cour, sans considerer qu'apres vne reconciliation saite auec les hommes, rien ne les empesche de faire leur Paix auec Dieu, mais il ne peut passer que pour vn Casuiste ignorant, en voulant obliger les penitens à restituer & reparer les viols, les carnages & les desordres qu'ils ont

commis durant la Guerre, veu que

Ad impossibile nemo tenetur. Et que la restitution n'est eniointe qu'entant qu'elle est dans nostre possible, la misericorde de Dieu suppleant au

desfaut de nostre puissance.

Il insiste encore dans cét opinion, & la derniere stance est ramassée de ridicules raisons, par lesquelles il pretend prouuer, que sans cette restitution, la Paix est pire que la Guerre, & par des subtilitez ineptes, & des aduertissemens hors de saison, il sait une distinction de celle de France d'auce l'Italienne pour ietter les esprits soibles dans une definance perpetuelle, & les empescher par ce moyen de gouster la douceur du repos apres de si longues calamitez.

Il me semble que i'ay suffisamment fait reconnoistre les pernicieuses intentions de nostre Autheur, qui ne tendent euidemment qu'à ietter cét Estat dans de nouueaux desordrespar le vent de diuision qu'il sousse dans les esprits se ditieux, & ses dangereuses maximes, que la Iustice a dessa censurées, comme contraires à la tranquillité publique, en supprimant vn ouurage si preiudiciable au repos de l'Estat. Il n'est question maintenant qu'à conclurre par vn adus

charitable à tous ceux qui se messent d'escrire, qu'ils ayent à choisir mieux leurs subiets, & qu'ils ne commencent iamais vn ouurage qu'ils n'ayent considere que la fin n'en peut estre qu'aduantageuse à la correction des mœuts, & à l'honneur de la Patrie; ce n'est pas que ie veuille les interdire de la Satyre, pourueu qu'elle ne soit point scandaleuse, & qu'elle ne repugne en rien à la charité, qui doit reprendre sans passion & sans interest; Que la consequence des escrits de cette nature est bien dangereuse, puis qu'en voulant remedier à quelque desordre particulier, on en introduit vn general. Enfin qu'ils tiennent cet axiome, par lequel ie finis pour vn principe tres-asseuré, que la Paix la plus pauure & la plus deschirée, est preferable à la Guerre la plus glorieuse & la plus magnifique, & que nous la deuons bien conseruer quant nous la pouuons obtenir comme la plus precieuse chose que nous sçaurions desirer ny posseder.